

MORTI APPARENTI

Nun dati l'allarmi, nun fati sunari,
Nun fati sunari a mortu i campani;

Ma cu tanta forza stricatimi i manu

Stricatimi i manu cu morsi putenti!

Si putissi trattari di morti apparenti!

Pigghiati e 'nta cascia nu grossu spilluni,
E 'ansemi a l'eredi pungitimi i peri.
Pungitilu tuttu 'stu corpu distruttu:
Apritimi 'U pettu, mungitimi 'u cori,

Mungiti, Mungiti, Mungitilu ancora.

E Quannu sfiniti, spussati, avviliti,
Qualcunu vi dici: "E' mortu! 'Un si movi"
Vi resta i pruvati ca prova do novi,
Vi resta i pruvati ca prova do novi.

.....
*Mittitimi i manu 'nte cosci i Cesira,
Faciti abballari li minni d'Elvira,
Facitimi u toccu lu culu i Santina
Ccu tuttu du' manu lu culu i Bettina.*
.....

E quannu viriti ca nenti si movi,
Finiti i pruvati ca prova do novi,
Vo diri c'allura 'n c'è nenti da fari,
Ristaiu futtutu: putiti 'ntirrari.